

西國近事汇编

一  
函  
四  
冊  
函

西國近事彙編卷四

戊寅冬季

美國 林樂知 口譯

歷城 蔡錫齡 筆述

光緒四年十月初六日至十二日西報

西歷一千八百七十八年十月三十一日至十一月初六日

歐東大局信息較緊俄令羅美尼亞讓路一條直通土國  
並令立助戰之約從則退兵不從則俄兵永久佔踞且不  
歸還陶婆爾楷地此誠羅人所意料不及者未知何以應  
之德相畢士麻克議須俄人循照伯靈大會所定和約行  
事

俄人築營於羅美尼亞交界處可屯兵六萬人據俄人言

西國通事彙編卷四  
俄欲以西勒得江爲界果爾則羅美尼亞疆域已被俄人  
併吞過半矣保該力阿與麥昔度尼亞二處亂事未艾俄  
人濟以軍火餉糈意欲合併其地以達於海

英與阿富汗交涉固不欲暫舉干戈用盡各法期免啓釁  
部員咸謂宜照與國之例發一哀的美敦書然以旁觀料  
之謂阿富汗主必不聽從也英乃下令調兵三萬四千內  
三分之二爲印度人俄人聞之不悅謂英果興師攻阿富  
汗俄當助之也

土耳其部官欲與希臘重定疆界兩國兵皆相持未解土  
希交界相近處有伊百洛斯與脫色令兩地百姓不願以

尺寸地讓人故欲奮勇拒敵者不下十萬人俱欲與希臘爲難也

希臘國復派員至塞耳非亞議兩國相助之約併力拒土法都巴黎以大輕氣球賽會觀者如堵英太子及妃俱乘球一試御風而行甚爲嘉獎本擬停止因觀者衆多復展限十日

荷蘭國都擬開大新報館每月一次專論荷蘭在東印度新疆事宜

俄國工部大臣與銀商議定將波羅的海與黑海開通以其間有勿司拖來江與那白江分隔兩江旣通則兩海之

水自通矣

俄國派員查勘北邊之啞白江與塩納賽江能否設法開通

俄相兼外部大臣加支考夫年老致仕擬以駐英公使胥佛勞夫代之

有英國幼童二人寓瑞士國讀書一日偶持手槍施放誤傷一鄉人被控拘繫聽訊一童以無罪釋放一童罰銀五百福蘭格並令撫卹其家其師亦罰三百福蘭格

駐日本之英領事查報日本國種稻源流及耕種之法計

通國有田一萬六千八百七十八萬九千一

百二十英畝其收刈在西歷十月間額實未足收成歉薄有礙於出口通商之事近乃留心考察畧爲變通以後可不致虧折矣又日本產米除正供漕糧外尙有贏餘售出境外惟向由國家辦理不許民間私售是以商販不能輻輳也

英國與中國在煙台所立和約尙未互換內有一款論鴉片通商英國慮有礙印度賦稅以此未決十月三十日英國戒烟會中有數大員商之於通商公司之有權者陳明議院設法請國家允行有一人聲稱如中國果願禁止鴉片不種罌粟則我會中人宜協力助之令英國不行販賣

西國近事彙編卷四  
鴉片之事公司主人應之曰果能是無有不願相助也

秘魯國種蔗造糖需人甚衆往年華人往秘魯者大率每人先代付船費鷹銀四百元立有合同以八年爲期間有數家待華傭甚厚而兇惡之田主則月止給鷹銀四元餘皆扣除計華人在彼實有四萬三千人近時販運猪仔出洋英總督亟行禁止故彼處華傭已少秘魯復欲於舊金山招華人而工價不豐無人願往近秘國與美商同富洋行立一合同在香港招華人前往作工聽由自願英國家復申前禁不准華傭在香港動身以是中止

俄王以墨斯科故都倡亂者實繁有徒飭督臣兼轄附近

之五省皆以軍法從事

奧國大雨彌旬平地水湧鄉村淹沒者無算江上鐵橋衝塌七座

意大利國火山之燄甫熄地復大震蓋氣有所壅也村堡傾陷者七處人畜盡滅此災異之尤者

美國商船曾爲古巴人所掠西班牙國償以銀錢一萬圓西班牙國許南亞美里加諸國互派駐使聞秘魯新遣駐班使臣已在道矣

葡萄牙國前與英國所立屬地通商各約暨增稅章程刻經議院會議已允行矣按新章改定烟酒之稅兩國屬地

西國通事彙編卷四  
四  
收稅維均並罷葡屬煮鹽并歸英屬管理由英人歲貼四十萬烏魯伯又凡量衡銀價一律無差又於兩國所屬印度同造鐵路一條自葡屬之戈注以達英屬之伯羅利部以便通商按二國之勢英強葡弱時虞吞并近始胥泯猜嫌棄怨修好云

英國以販買奴僕之禁雖嚴而紅海兩界之土耳其屬地仍肆行無忌擬與土國立約禁絕之

秘魯國新造鐵路一條跨安的斯大山路高至一萬二千六百尺猶未登峯造極列嶂如屏穿洞六十有一以通之中復阻澗闊千餘丈下視深不見底駕橋如長虹支以銅

柱最短者二百四十尺既密且堅洵鉅製也

英國上議院卡拿溫侯以歐東之局詢諸外部曰俄土罷兵定約於伯靈各大國實主之按約土國南境小亞細亞全境部落荒殘亟應整頓且境內回民凌虐教人甚於僕隸土之執政竟置若罔聞如伯靈公約何外部曰不然土國當大兵之後府庫空虛興復規模不能期之過驟譬諸久病初起扶杖而行迫之疾趨必致顛仆語未竟有笑於外者曰顛而仆何不掖之起況土人所少者財耳我英若爲居間千萬磅可立致百廢俱舉無難也曩者土屬埃及國君雖奉貢於土久成尾大不掉之勢一千八百七十一

西國近事彙編卷四  
年入朝君士但丁

土都

藉窺土之虛實土王割亞非里加內

地以益其封曰紅海以東爾自治之歸後勤修國政事英  
法惟謹英法遣員爲掌工戶二部政柄倒持積重難返埃  
君自悔前失用相齟齬我英遂授意土王下一紙詔廢之  
而以埃及背棄新約爲言今土王於伯靈定約之後竟視  
同虛文玩日愒月徒事因循外部公復曲爲之說其何以  
服教士之心而杜埃人之口乎外部曰言事易舉事難君  
姑置之

光緒四年十月十三日至十九日西報

西歷一千八百七十八年  
十一月初七日至十三日

前在中國經理吳淞口鐵路之英人馬利遜現回本國著

論一篇論中國開造鐵路情形茲報載其大畧云吳淞鐵路雖一旦廢去然詎可指此一端遂謂中國無意於斯乎當興築吳淞鐵路時係成於一二人意見之私並非出諸公議有謂中國不以築路爲急務而謂惑於風水之說者亦非也所以遲之又久工作未興實因國家審慮周詳未能決計耳近年中國大吏抱匡濟之略負中外之望者固以鐵路爲時政所當先卽通達之士莫不指爲要圖惟願此識愈推愈廣則鐵路之興可跂足而待也又謂中國煤礦旣開復議採鐵洵知所當務矣第近煤鐵礦產之區必先開造鐵路交錯其間以通運道按美國初開煤鐵等礦

時亦以鐵路爲第一着礦工所需煤鐵胥購諸英今則取諸地中用之不窮矣又謂中國經營鐵路應先自漢口以達廣州其間陸路僅三十英里餘皆水程曩須四十二日始達若沿造鐵路計其行程併四旬爲一日矣兼之以湖南煤礦甚多可於鐵路之旁再分支路爲數歧直接礦所旣捷商貨復便運煤利至普也次自北京以達鎮江更營支路以達大沽他如上海造路以達蘇州又其次也夫鐵路告成之後其利不僅在通商也設遇荒年藉通轉運速於駱駝驢馬之困頓道途穀米易糴民忘其饑故富國以開礦爲權輿而築路又爲礦務之嚆矢也

阿富汗與英構隙英人所致之安的美敦書尙未卽報按  
安的美敦譯言決斷書也俄國朝議欲發兵助阿而國王  
以爲前遣駐阿之大臣已足了是事云

歐東之局仍復紛紜布加利亞麥昔多尼亞之變俄人實  
陰主之而函告諸國以爲二部人心思亂我俄雖鎮之以  
兵而未能卽止也又俄頒示二部嗣後文書詞訟悉用俄  
國文字巷說街談不在禁例

法國博物院彙刊西五六七八九十等月清單詳載賽珍  
會次來觀之人數司閽者於往來者不必心焉數之也其  
間有一必由之路路口設門門有橫木入門者身甫抵木

木若讓人向內而開人過復向外而合而木中之機已有  
記印矣查西五月來觀之衆計一百二十七萬八千八百  
六十人六月計一百九十五萬一千一百零三人七月計  
一百八十二萬三千一百六十人八月計一百九十六萬  
九千三百三十五人九月計二百六十七萬四千一百零  
四人十月計二百九十二萬五千三百三十人共計一千  
二百六十二萬一千九百零八人每人徵費一佛郎又按  
一千八百六十七年所收觀會費計九百六十四萬五千  
四百十七佛郎以今較之約多三百餘萬云又載當賽會  
時逆旅之客計二十萬三千一百五十七人按自英來者

爲五萬八千九百十六自比利時來者爲二萬八千八百  
三十自德來者爲二萬一千七百七十八自意來者爲一  
萬四千九百六十八自美來者爲一萬三千五百七十三  
自瑞士來者爲一萬一千九百八十人自西班牙來者爲  
一萬零零四人自奧來者爲八千五百零一人自荷蘭來  
者爲六千六百八十二人自俄來者爲五千七百二十五  
人自瑞典挪威來者爲一千七百零五人自鹿生伯克來  
者爲二千二百三十八人自波蘭來者爲一千九百五十  
二人自丹麥來者爲一千七百六十七人自葡來者爲一  
千六百八十七人自羅美尼亞來者爲一千四百四十二

人自墨西哥來者爲一千四百零九人自亞累希亞來者爲一千三百八十二人自巴西來者爲一千一百六十四人自土耳其來者爲八百九十八人自希臘來者爲八百五十四人自法屬來者爲七百九十五人自加拿大來者爲七百十九人自埃及來者爲六百五十九人自印度來者爲三百八十六人自秘魯來者爲一百八十六人自日本來者爲一百六十六人自科倫比亞來者爲一百五十六人自委內瑞拉來者爲一百四十八人自吐逆斯來者爲九十六人自波斯來者爲八十三人自克利來者爲九十六人自中國來者爲八十一人自阿西亞尼亞來者爲